



司馬法卷上

仁本第一



古者以仁爲本以義治之之謂正正不獲意
則權權出於戰不出於中人是故殺人安人
殺之可也攻其國愛其民攻之可也以戰止
戰雖戰可也故仁見親義見悅智見特勇見
方信見信內得愛焉所以守也外得威焉所
以戰也戰道不違時不歷民病所以愛吾民

也。不加喪，不因凶。所以愛夫其民也。冬夏不興師，所以兼愛民也。故國雖大，好戰必亡。天下雖安，忘戰必危。天下既平，天子大愷。春蒐秋獮，諸侯春振旅，秋治兵。所以不忘戰也。古者逐奔，不過百步。縱綏，不過三舍。是以明其禮也。不窮不能而哀憐傷病。是以明其仁也。成列而鼓。是以明其信也。爭義不爭利。是以明其義也。又能舍服。是以明其勇也。知終知明，其義也。

卷下

始是以明其智也。六德以時合教，以爲民紀之道也。自古之政也。先王之治順天之道，設地之宜，官民之德，而正名治物，立國辨職，以爵分祿。諸侯悅懷海外來服，獄弭而兵寢。聖德之至也。其次賢王制禮樂法度，乃作五刑。興甲兵以討不義，巡狩，省方會諸侯考不同，其有失命亂常，背德逆天之時而危有功之君，徧告于諸侯。彰明有罪，乃告于皇天上帝。

日月星辰禱于后土四海神祇山川冢社乃
造于先王然後冢宰徵師于諸侯曰某國爲
不道征之以某年月日師至于某國會天子
正刑冢宰與百官布令於軍曰入罪人之地
無暴神祇無行田獵無毀土功無燔墻屋無
伐林木無取六畜未黍器械見其老幼奉歸
勿傷雖遇壯者不校勿敵敵若傷之醫藥歸
之既誅有罪王及諸侯修正其國舉賢立明

正復厥職主霸之所以治諸侯者八以土地
形諸侯以政令平諸侯以禮信親諸侯以材
力說諸侯以謀入維諸侯以兵革服諸侯同
患同利以合諸侯比小事大以和諸侯會之
以發禁者九憑弱犯寡則稽之賊賢害民則
伐之暴內陵外則壇之野荒民散則削之負
固不服則侵之賊殺其親則正之放弑其君
則殘之犯令陵政則杜之外內亂禽獸行則

滅之

天子之義第二

天子之義必純取法天地而觀於先聖士庶之義必奉於父母而正於君長故雖有明君士不先教不可用也古之教民必立貴賤之倫經使不相陵德義不相踰材技不相掩勇力不相犯故方同而意和也古者國容不入軍軍容不入國故德義不相踰上貴不伐之力不相犯故方同而意和也古者國容不入軍軍容不入國故德義不相踰上貴不伐之

士不伐之士上之器也苟不伐則無求無求則不爭國中之聽必得其情軍旅之聽必得其宜故材技不相掩從命爲士上賞犯命爲士上戮故勇力不相犯既致教其民然後謹選而使之事極修則百官給矣教極則民興良矣習貫成則民體俗矣教化之至也古者遂奔不遠縱綏不及不遠則難誘不及則難陷以禮爲固以仁爲勝既勝之後其教可

復是以君子貴之也。有虞氏戒於國中欲民體其命也。夏后氏誓於軍中欲民先成其慮也。殷誓於軍門之外欲民先意以待事也。周將交刃而誓之以致民志也。夏后氏正其德也。未用兵之刃故其兵不雜殷義也。始用兵之刃矣周力也。盡用兵之刃矣夏賞於朝貴善也。殷戮於市威不善也。周賞於朝戮於市勸君子懼小人也。三王彰其德一也。兵不雜。

夏禮

則不利長兵以衛短兵以守太長則難犯太短則不及太輕則銳銳則易亂太重則鈍鈍則不濟戎車夏后氏曰鉤車先正也殷曰寅車先疾也周曰元戎先良也游夏后氏玄首入之執也殷白天之義也周黃地之道也章夏后氏以日月尚明也殷以虎尚威也周以龍尚文也節多務威則民詘少威則民不勝上使民不得其義百姓不得其叙技用不得

其利牛馬不得其任。有司陵之。此謂多威。多威則民謔。上不尊德而任詐慝。不尊道而任勇力。不貴用命而貴犯命。不貴善行而貴暴行。陵之有司。此謂少威。少威則民不勝。軍旅以舒爲主。舒則民力足。雖交兵致刃徒不趨車。不馳逐奔。不踰列。是以不亂軍旅之固。不失行列之政。不絕人馬之力。遲速不過誠命。古者國容不入軍。軍容不入國。軍容入國。則

民德廢。國容入軍。則民德弱。故在國言文而語溫。在朝恭以遜脩。已以待人。不召不至。不問不言。難進易退。在軍抗而立。在行遂而果。介胄者不拜。安車不軾。城上不趨。危事不齒。故禮與法表裏也。文與武左右也。古者賢王明民之德。盡民之善。故無廢德。無簡民賞。無所生罰。無所試。有虞氏不賞不罰。而民可用。至德也。夏賞而不罰。至敵也。殷罰而不賞。至

威也。周以賞罰，德衰也。賞不踰時，欲民速得爲善之利也。罰不遷列，欲民速覩爲不善之害也。大捷不賞，疾葉及杖也上下皆不伐善。上苟不伐善，則不驕矣。下苟不伐善，必亡等矣。上下不伐善，若此讓之至也。大敗不誅，上下皆以不善，在已。上苟以不善在已，必悔其過。下苟以不善，在已，必遠其罪。上下分惡，若此讓之至也。古者戍兵三年，不興，觀民之勞也。上下相報。

若此和之至也，得意則愷歌示喜也。偃伯靈臺，答民之勞，示休也。

司馬法卷上終

臣陽子卷之三

司馬法卷中

定爵第三

凡戰定爵位著功罪收遊士申教詔訊厥衆求厥技方慮極物變嫌推疑養力索巧因心之動凡戰固衆相利治亂進止服正成耻約慶省罰小罪乃殺小罪勝大罪因順天阜財法敵懼衆勉若利地守隘阻右兵弓矢禦殳矛

守戈戟助凡五兵五當長以衛短短以救長
 迷戰則久皆戰則強見物與侔是謂兩之主
 固勉若視敵而舉將心心也衆心心也馬牛
 車兵佚飽力也教惟豫戰惟節將軍身也卒
 支也伍指拇也凡戰權也闘勇也陳巧也用
 其所欲行其所能廢其不欲不能於敵反是
 凡戰有天有財有善時日不遷龜勝微行是
 謂有天衆有有因生美是謂有財人習陳利

人不顧死一往軍士

極物以豫是謂有善人勉及任是謂樂久大
 軍以固多力以煩堪物簡治見物應卒是謂
 行豫輕車輕徒弓矢固禦是謂大軍密靜多
 內力是謂固陳因是進退是爲多力上暇人
 教是謂煩陳然有以職是謂堪物因是辨物
 是謂簡治撫衆因地因敵令陳攻戰守進退
 止前後序車徒因是謂戰參不服不信不和
 怠疑狀懾技挂詛煩肆崩緩是謂戰患驕驕

憽憽。吟嘆。虞懼。事悔。是謂燬拆。大小堅柔參伍。衆寡。凡炳。是謂戰權。凡戰間遠觀邇。因時。因財貴信。惡疑。作兵義。作事時。使入惠。見敵靜。見亂。暇見危難。無忘其衆。居國惠以信。在軍廣以武。刃上果以敏。居國和。在軍法。刃上察。居國見好。在軍見方。刃上見信。凡陣行。惟疏。戰惟密。兵惟雜。人教厚。靜乃治。威利章。相守義。則人勉。慮多成。則人服。時中服厥次。治是。

物既章。目乃明。慮既定。心乃強。進退無疑。見敵無謀。聽誅無詐。其名無變。其旗凡。事善則長。因舌則行。誓作章。人乃強滅厲祥。滅厲之道。一曰義。被之以信。臨之以強。成基一天下。之形。人莫不說。是謂兼用。其人。一曰權。成其溢。奪其好。我自其外。使自其內。一曰人。二曰正。三曰辭。四曰巧。五曰火。六曰水。七曰兵。是謂七政。榮利恥死。是謂四守。容色積威。不過

改意。凡此道也。唯仁有親。有仁無信。反敗厥身。人人正正辭辭。火火。凡戰之道。既作其氣。因發其政。假之以色。道之以辭。因懼而戒。因欲而事。跨敵制地。以職命之。是謂戰法。凡人之形。由衆之求。試以名行。必善行之。若行不行。身以將之。若行而行。因使勿忘。三乃成章。人生之宜。謂之法。凡戰正。不行。則事專。不服。則法不相。信則一。若怠。則動之。若疑。則變之。

若人不信。上則行。其不復自古之政也。

直解以此

一章載於末今隨譜義 凡治亂之道。一曰仁。二曰信。三

曰直。四曰一。五曰義。六曰變。七曰專。立法。一曰受。二曰法。三曰立。四曰疾。五曰御。其服。六曰等。其色。七曰百官。宜無淫服。凡軍使法在。已。曰專。與下畏法。曰法。軍無小聽。戰無小利。日成行微。曰道。

司馬法卷下

嚴位第四

凡戰之道。位欲嚴。政欲栗。力欲窕。氣欲閑。心欲一。凡戰之道。等道義。立卒伍。定行列。正縱橫。察名實。立進俯坐。進跪畏則密。危則坐遠者。視之則不畏。邇者勿視。則不敢。位下左右下甲坐。誓徐行之位。逮徒甲籌以輕重。振馬噪。徒甲畏亦密。之跪坐。坐伏。則膝行而寬誓。

之起謨鼓而進則以鐸止之銜枚誓糗坐膝行而推之執戮禁顧謨以先之若畏太甚則勿戮殺示以顏色告之以所生循省其職凡三軍人戒分日入禁不息不可以分食方其疑惑可師可服凡戰以力久以氣勝以固久以危勝本心固新氣勝以甲固以兵勝凡車以密固徒以坐固甲以重固兵以輕勝人有勝心惟敵之視人有畏心惟畏之視兩心交

定兩利若一兩爲之職惟權視之凡戰以輕行輕則危以重行重則無功以輕行重則敗以重行輕則戰故戰相爲輕重舍謹甲兵行慎行列戰謹進止凡戰敬則慊率則服上煩輕上暇重奏鼓輕舒鼓重服膚輕服羨重凡馬車堅甲兵利輕乃重上同無獲上寧多死上生多疑上死不勝凡人死愛死怒死威死義死利凡戰之道教約人輕死道約人死正

凡戰若勝若否若天若入凡戰三軍之戒無過三日一卒之警無過分日一入之禁無過皆息凡大善用本其次用末執略守微本末唯權戰也凡勝三軍一入勝凡鼓鼓旌旗鼓車鼓馬鼓徒鼓兵鼓首鼓足七鼓兼齊凡戰既固勿蓮進勿盡凡盡危凡戰非陳之難使入可陳難非使可陳難使入可用難非知之難行之難人方有性性州異教成俗俗州

異道化俗凡衆寡既勝若否兵不告利甲不告堅車不告固馬不告良衆不自多未獲道凡戰勝則與衆分善若將復戰則重賞罰若使不勝取過在已復戰則誓以吾前無復先術勝否勿反是謂正則凡民以仁救以義戰以智決以勇鬪以信專以利勸以功勝故心中仁行中義堪物智也堪大勇也堪久信也讓以和人以治自予以不循爭賢以爲人說

其心効其力。凡戰擊其微靜，避其強靜。擊其倦勞，避其閑窪。擊其大懼，避其小懼。自古之政也。

用衆第五

凡戰之道，用寡固用衆。治寡利頑，衆利正用。衆進止用寡，進退衆以合寡，則遠裏而闕之。若分而迭擊，寡以待衆，若衆疑之，則自用之。擅利則釋旗，迎而反之，敵若衆，則相衆而受。

慎用謀攻，衆疑

軍行三十里為一舍，兼行六十里也。六十里之中，其地當矣，其中必有高陽之地，故處焉環甃，勢其形中高而下，居處。

裏敵若寡，若畏，則避之，開之。凡戰，背風，背高右，高左，險，歷，節，歷。凡兼舍，環龜。凡戰，設而觀其作，視敵而舉，待則循而勿鼓，待衆之作，攻則必而伺之。凡戰，衆寡以觀其變，進退以觀其固，危而觀其懼，靜而觀其怠，動而觀其疑，襲而觀其治，擊其疑，加其卒，致其狃，襲其規，因其不避，阻其圖，奪其慮，乘其懼，凡從奔，勿憲，敵人或止於路，則慮之。凡近敵，都必有進。

路退必有反慮。凡戰先則弊，後則憚。息則怠，不息亦弊。息久亦反，其憚書親絕，是謂絕顧。之慮選良次兵，是謂益。入之強棄任節食，是謂開人之意。自古之政也。

司馬法卷下終





110X
38
1

A small, rectangular blue and white stamp or label is attached to the lower-left edge of the cover. The text on the stamp is arranged in three lines: "110X" at the top, "38" in the middle, and "1" at the bottom.

五九

司馬法

伏見版

木活字本

慶長十一年（一六〇六）刊

一冊



彗星の辨解

明治五年

彗星と衝突して地球が割れるとの
噂ありて就て認められしもの